

Meeqqat Inuunerissut ataatsimeersuarnerannit imaqarniliaq – pingasunngorneq ulloq 26.02.14

Ullormut oqaluuserisassat:

1. **Imaqarniliortussamik qinersineq:** BNJ
2. **Aqutsisussamik qinersineq:** Peter Petersen
 - a. **Aqutsisup uparuarpaa oqaluuserisassaq ataaseq amigaataasoq.**
Malittarisassanik allannngortitsinermut tunngasoq – siunnersuutigaa imm. 6-itut ilanngunneqassasoq – siunnersuutininik apuunneqartunik suliarinninneq. Tamanna najuuttunit akuersissutigineqarpoq.

3. Siulersuisut nalunaarutaat, siulittaasumit

Siulittaasup Katrine H. Nathanielsen-ip suliniut "Kuseriarnerup Siaruarneratut" saqqummiuppaa ilisaritillugu, suliniutip ukiuni ingerlanneqarfiini ukioq kingulleq ingerlavoq, 2014-ip naaneranut ingerlanneqassagami – ukioq manna MIBB illoqarfinnut taaneqartunut tikeraareerpoq: Aasiaat, Paamiut, Ilulissat, Tasiilaq, kiisaalu Sisimiut – maannakkorpiarlu Maniitsumiilluni. Illoqarfinnut ataasiakkaanut tamatut pikkorissarnerit amerlassusissaat aalajangersarneqarsimavoq – pikkorissarnermut ataatsimut peqataasut inuit 14-16 missaanniittarput. MIBB-ip tarnip pissusaanik ilinniagalik illoqarfinni pikkorissarnernut suleqatissatut sulilersippaa. Meeqqat pisinnaatitaaffii, meeqqat ajornartorsiortut pillugu nalunaaruteqarntarnissaq MIBB-ip qitiutitarai. Ilinniarsimasut illuatungalugit innuttaasut soqutiginnittut pikkorissarnernut peqataasut tunniusimanerat assigiinneqisoq malunnaateqarpoq.

Containerit pingasut nassarlugit sinerissamut angalanerit saniatigut, inuiaqatigiinni nammineq piumassutsimik sulineq qitiutillugu aallakaatitassiat sisamat MIBB-ip KNR suleqatigalugu aallakaatitassiaritippai. Taakku ukiap ingerlanerani KNR-imi aallakaatinneqarput, martsillu qaammataani aallakaateqqinneqassallutik.

Aammattaq suliniut pillugu piviusulersaarummik sarsuatitamik aallakaatitassiortoqarpoq, ukiallu naalernerani taassuma TV-kkut takutinneqarnissaa pilersaarutaavoq. Tamanna suliffeqarfik namminersortoq, Forlag 180, suleqatigalugu suliarineqarpoq.

Suut tamarmik tamakku piviusunngortinneqarsimassanngikkaluarput, MIBB pitsannik aningaasaliisartoqanngikkaluarpat, taakkualu makkuupput:

RAL – containerinik assartuineq

Stark – matuersaatinik puussianillu tunisinerikkut aningaasatigut tapiissutit ilanngullugit attaveqarfigisartagaannit tapiissutit – katillugit 180.000 kr.-ngajannik naleqartut.

Auto Nord – biilnik tunisinerminni, 500 kr.-nik tapiisartut – 25.000 kr. missaat.

Air Greenlandimi sulisut peqatigiiffiat kr. 8.000,-

GrønlandsBanken – 25.000,- kr.

Ilaasa aningaasaqarnikkut tapertarmatigut – tamanna siulersuisut sulinerannik nersuaarinninnertut isigaarput, inuiaqatigiinnilu pitsaasumik oqaluuserineqartilersarluta.

Aningaasaqarnikkut periusissiamik siulersuisut suliaqarput, tassuunakkut siulersuisunik sulissisussamik siulersuisunut aalajangersimasumik allattoqarfeqalernikkut MIBB-ip siunissaa qulakkeerreqassalluni.

Killiffimmik saqqummiussineq - (Arnakkuluk)

Kinguaassiuutitigut atonerluinerit apeqqummut tunngatillugu inuit qanoq inissisimanersut pineqartorlu pillugu qanoq isummersuuteqarnersut paasiniallugu tamanna aallartinneqarpoq. Aammattaaq suliniutip ilusilersornissaa eqqarsaatigineqarpoq, suliniut "Kuseriarnerup siaruarneratut" assigalugu anguniakkatsinnik tunaartaqartussaagatta.

Ataatsimut isigalugu pingaarnersaqarpoq, taaneqarsinnaasunik ilaatigut tulliuuttut:

- Apersorneqartut 699-iusut kinguaassiuutitigut atonerluisoqarneranik pasitsaasaqarunik qanoq iliorlutik imaluunnut sumut saaffiginnissanerlutik 22%-iisa naluaat.
- Kinguaassiuutitigut atonerluinerup qanoq nassuiaateqarnera amerlaqisut ilisimasaqarfiginngilaat – taamaattumik kinguaassiuutitigut atonerluinerit pillugit amerlanerusunik oqariartuuteqarnissaaq pisariaqartinneqarpoq.
- Pisortat annertuumik tatigineqarput.
- Nalunaaruteqartarneq pillugu ilisimasaqarneq – ataasiakkaat qanoq iliorlutik isumaginnittoqarfimmut attaveqarsinnaaneratt assigiinngiaaqaq – normunik paasiniaavimmi normut marluinnaat takuneqarsinnaapput – qanoq iliortoqartarnersoq amerlaqisut ilisimangilaat – nalunaaruteqartarneq pillugu ataavartumik paasisitsiniaasoqartariaqarnera misissuinerup matuma takutippaa.
- Ataatsimooqatigiittut akisussaaqatigiittutullu misigisimaneq, kiisalu isumaginninnikkut tunniusimaneq sammisanut peqataanikkut annikillisarpoq – tamanna assut eqqarsaammernarpoq -
- Tamatuma saniatigut aqqissuussinerit amerlanerusut pisariaqartinneqarput, soorlu sisooqatsitsinerit, arsaannerit assigisaallu – meeqaammi sumiginnagaanermikkut kinguaassiuutitigulluunniit atonerlugaanermikkut eqqissiffeqanngitsut, inersimasunik takusaminnut qisuariaateqarsinnasunik pisariaqartitsimmata.
- Inersimasut taakku qanoq akuutinneqalersinnaappat? = illoqarfimmi allagartaliisarnikkut, pisortanut attaveqartarnikkut – aamma containerit inunnit isiginiarneqarnerulerpata.

4. Naatsorsuutiniq saqqummiussineq, aningaaserisoq Louise Mortensen saqqummiussisoralugu

Ilangussaaq takuuk – MIBB-ip ukiumoortumik naatsorsuutai – suliniummut "kuseriarnerup siaruanneratut" naatsorsuutit -

Saniatigut oqaaseqaatit:

Nalilersuinerit:

- Suliniummut allaffeqarfiup siulersuisullu akornanni suleqatigiinnissamat ataatsimeeqatigiinneq – aqutissiuussisoq Michael Binzer

- Pikkorissartut allallu attuumassuteqartunik ilinniagallit akornanni immersugassat atorlugit misissuineq
- Illoqarfinnut tikeraarnernut siulersuisut malinnaapput, illoqarfinnullu tikeraarnernut atatillugu pikkorissaanernernik ingerlaaseqarner nalilersorlugu
 - Nalilersuinnermut allakkiat MIBB-imiipput, siulersuisunut ilaasortanit allataasut.

MIBB-ip suliniutaa – suliniummi ingerlatat amerliniarlugit atugassarititaasullu atorlugit sulisut marlunniit pingasunut atorneqassapput. Tusagassiuutitut tunngatillugu assut malunnaateqarpoq – nittartagaq, facebook MIBB-imullu filmeeraliat.

Ataatsimut isigalugu – naatsorsuutit aqutsinerlu pitsaasumik suliarineqarsimapput – Louise ersaartanneqarujussuarpoq.

5. 2014-imut ukiumut pilersaarummut siunnersuut –

Siulersuisut siumut isigisumik sulerusupput – 2014-imut akuersissutigineqarallarpur

- **Inuinnaat inuiaqatigiinni nukittorsaaviginerat**
- **Meeqqanik inuusuttunillu sullissinerup ineriartortinnera**
- **Aalajangiisartunik oqaloqateqarnek suleqateqarnerlu**

Aningaasaqarnikkut periusissiamut missingiut siulersuisut suliarat, tassuunakkut MIBB-ip siunissamut piunnarnissaa qulakkeerneqassalluni – pineqartoq nittartakkakkut takutikkusunneqarpoq, taamaasilluni aningaasaliisartutta siunissamullu aningaasaliisartuligassatta takusinnaassammassuk aningaasat qanoq amerlatigisut allaffissornermut qanorlu amerlatigisut suliniutitut aalajangersimasunut atorneqartarnersut.

Nammineq piuumassutsimik sulinerup isiginiarneqarnerulernissaa kissaatigineqarpoq, 2015-imiit aalajangersimasumik qulequtarineqarluni – maanna sulinissamut malitassiaq GIF suleqatigalugu ineriartortinneqarpoq, NGO-nut allanut piginnaasaqartitsilersussat. Suliniummut nutaamut aningaasassarsiortoqarnissaa pisariaqartinneqarpoq. Suliniut ineriartorteqqinneqarniassammatt – ilaatigut Villumfondimit aningaasanik qinnuteqartoqarniarpoq.

Suliniutip Kuseriarnerup siaruaanneratut qitiutillugu – ukioq manna misilittakkanik katersissaagut, naammassilerneranilu suliniutillu nalilersornerani tamanik tusartitsisumik periuseqassalluta.

Meeqqat pisinnaatitaaffii, meeqqat ingerlalluarnerat nalunaaruteqarnermullu ilisimasat pillugit paasisitsiniaarnermut MIBB-ip nukippassuit atorpai.

Killiffik pillugu nalunaarusiaq aallaavigalugu, ilaatigut atonerluisoqarsimaneranik pasitsaassisoqarpat, imaluunniit sumiginnaasoqarpat, nalunaaruteqarnissamut ataatsimoorussamik periarfissaqarnissaaq sulissutigineqassaaq – assersuutigalugu oqarasuaatikkut normu aalajangersimasooq nunatsinnut tamarmut atuuttoq atorlugu, taamaasilluni meeqqat ingerlanersiortut iliuuseqarfiginissaat nalunaaruteqartumut pisariinnerulissammatt.

Tamanna Nunani avannarlerni siusinnerusukkulli misilittagaqarfigineqarpoq, ilaatigut nalunaaruteqarneq pillugu pinnguaat – Danmarkimi ineriartortitaasimasoq – pinnguaat taanna pisariaqarpat pisarineqarsinnaavoq, Nunatsinnullu naleqquttunngorlugu ineriartorteqqinneqarsinnaalluni.

Ilisimasat tamakku tamarmik ukiut ingerlanerini pilersitaapput – misissuinerit, nalunaarusiat assigisaallu atorneqarlutik – tamakku aallaavigalugit suliniutinik ineriartorteqqissinnaavugut – assersuutigalugu eqqaamasassat allattorsimaffiat suliaralugu, imaluunniit sakkussat atorsinnaasut naatsumik takussutissatut allattorlugit.

Meeraq qanoq nassuuiagaasarnersoq siulersuisut ilaatigut sulissutigerusuppaat – qaqugukkut meeraq meeraasarpa? Assigiinngitsunut atatillugu meeqqap qanoq nassuuiagaasarnera assigiinngisitaarpoq. Assersuutigalugu bussinut billetsimik pisiniaruit, aalajangersimasunik ukioqaleruit akia allanngussaaq – pinerluttulerinermut inatsimmi 15-inik ukioqarneq killigititaavoq – meeqqat pillugit inatsimmi meeqqanik tusarniaasussaataaneq aqqaneq marluk missaannik ukioqartunut killeqarpoq il.il.

Saqqummiussisneq tusaatissatut tiguneqarpoq taamaasillunilu akuerineqarluni.

6. Siunnersuutit apuunneqartut suliarineqarnerat

Malittarisassanik allanngortitsinissamut siunnersuut, saaqummiussisoralugu Kat:

- Siunertamut paragrafi
- Oqaatsitigut aaqqiinerit, ulluinnarni inuunermit piviusunik takutitsisut
- Ilaatigut – Kukkunersiuisumik aalajangersaaneq

Siunnersuutit apuunneqartut akuersissutigineqarput

7. Ilaasortaanermut akiliutip aalajangersarnera

Ilaasortaanermut akiliut allanngortinneqanngilaq – nikigani 100 kr.-iulluni

8. 2014-imut missingersuutit akuersissutiginerat

Suliniut "Kuseriarnerup siaruarneratut" aallarniutigineqarpoq – 4,6 mill.

Tassaapput ukioq manna 2014-imi atorsinnaasat.

Aningaasartuutitut – containerip iluarsaanneranut akiligassaavoq – Maniitsumi aserorteriisoqarsimagami – igalaanut illersuutitut assiaqutit peerneqarsimallutik.

Assartuinerimut aningaasartuutit, angalanermut aningaasartuutit annikillisinneqassapput, aamma kontomit tassannga akilerneqartussanik neqerooruteqartoqartillugu sipaarniartoqassaaq.

Ilisimasanut ilinniartitaanermullu missingersuutit 150.000-iniit 120.000-inut annikillipput.

Ukiumut tamatumunnga suliniummut aqutsisumut aningaasartuutaasinnaasut – atugassanik aningaasaateqarfinit allanit qinnuteqartoqassaaq.

Nalilersuinerimut missingersuutit annikillereerput – nalilersuinerimut 50.000 kr. missaat atorneqareerput, elektronikkilu atorlugu nalilersueriaatsimut qaavatigut 10.000 kr. atorneqarlutik, nalilersueriaaserli atorneqaqqissinnaavoq.

Taqqissuuserisut ataatsimeersuarnerat taamaassappat Ilulissani – 50-it missaannik peqataasoqarluni – Hotel Arcticimit neqeroorut pineqarpoq – 830.000 kr. ataatsimeersuarnerimut – sakkussanik tigorianaannarnik ineriartortitsineq 130.000 kr.-nik naleqartoq.

Ukioq manna missingersuutinik aqutsineq – suliniummut qaninnerusumik aqutsisoqassaaq.

Naatsoruutiniq saqqummiussineq tusaatittatut tiguneqarpoq, annerusumillu oqaaseqarfigineqarani akuersissutigineqarluni.

MIBB-imut missingersuutit – missingersuutit nutaat suliarineqarsimaleriarpata siulersuisunit nutaanit erninnaq akuerineqartussaassapput.

Taakkunani immikkoortut arlalialuit maluginiarneqartussaapput, tassaapput arlallit tapiissuteqartartut, soorlu umiarsuaq FRAM, MIBB-imut tapiissuteqarusuttoq. Kiisalu angutit inuusuttut marluk, aappaa assiliisartuuvoq aappaalu assiliartalersuisartulluni, maannalu inuit ilisimaneqartut pillugit kiisalu ulluinnarni namminneq "allatut" isiginneriaasertik pillugu suliniummik suliqaaleruttorput – taanna qarasaasiakkut atuakkatut ineriartortinneqassaaq il.il. Isertitat tamarmik MIBB-imut tunniunneqassapput.

9. Siulittaasumik qinersineq

Katrine Hjelholdt Nathanielsen taasinertaqanngitsumik siulittaasutut qinerneqarpoq.

10. Siulersuisunut ilaasortanik qinersineq

Peter Petersen – bppetersen@greennet.gl

Arnakkuluk Jo Kleist – arnakkuluk@mibb.gl

Britta Nielsen Johansen – britta@mibb.gl

Annette Jørgensen – ajoe@sermersooq.gl

Louise Mortensen – louise@mibb.gl

11. Kukkuersiuisumik kukkuersiuisullu sinniisussaanik qinersineq

Deloitte – kukkuersiuisutut

Grønlands Revisionskontor – naatsorsuuserisutut

12. Taasariaqartut allat